

NUNATSIAVUT KATIMAJITSUANGIT

IL 2024-03

Nainimi Ujaganniagamut PikKujak, 2024

**PIKKUJAK PIGUNNATITSIGIAMUT NUNATSIAVUT KAVAMANGA
AITTUILUNI PIGUNNATITSIGIAMUT NAINIMI INUIT NUNALET
KAVAMAKKUNIT PIVALLIAGIAMUT AULATSILUNILU
UJAGANNIAGIAMIK LABRADOR-RIMI INUIT NUNANGINNI LIL-03C
AMMALU LIL-05C**

IMAIMMAT Nain Inuit Nunalet kavamanga Kinugasimammat Nunatsiavut kavamanganit atugiamik 5.487 nunamik, nunangani Labrador-rimi Inuit Nunanginni iluani Nunak LIL-03C ammalu 1.709 nunamik Labrador-rimi Inuit Nunanginni iluani Nunak LIL-05C (takutsak Ilagiagutik B1-nimi Nunaguami 55 Labrador-rimi Inuit Nunamik Satusaijet AngiKatigegutingita Ilagiagutinginni) ilingajunut aulatsigiamut ujaganniagamik;

AMMALU IMAIMMAT Nunatsiavut AngajukKaunet katimajingit kajusittisisimmata Kinugautimmik malillugu allasimajuk 2.11(1)(c) *Labrador-rimi Inuit Nunanik PikKujangani*;

AMMALU IMAIMMAT Minister Nunalignimmut Nunamiutanillu piviannattuk kamajik ilonnainik pitâsimammat angiutaujunik suliatSaKatigenniujumik Kinugautinit allatausimajuk 2.28(1) *Labrador-rimi Inuit Nunanik PikKujangani* Pikkujammi angiutiKatlutik atunitsangit Labrador-rimi Inuit Nunanginni LIL-03C ammalu LIL-05C aulatsigiamut ujaganniagamik;

TAIMAIMMAT ATUTTAULIAKITITSILILLIT Nunatsiavut katimajitsuangit imailingatillugit:

Naittuk Taigusik

1. Una pikKujak uKattausok *Nainimi Ujaganniagamut PikKujak, 2024.*

*Passed by the Nunatsiavut Assembly.
September 25, 2024.*



Tukingit

2. Uvani PikKujammi:
 - (a) “katimajitsuut” tukiKavut Nunatsiavut katimajitsuangit;
 - (b) “Atugumajut” tukiKavut Nain Inuit Nunalet kavamanga;
 - (c) “Minister” tukiKavuk kiggatuttik Nunatsiavut AngajukKaunet katimajinginni kamagialik suliaKapvinani nunaligijet ammalu nunamiutanik piviannatunik ammalu *Labrador-rimi Inuit Nunanik PikKujangani*.

kajusittitaunninga atitâttaumajuk ammalu nukKatitsigiamut attutauniugajattunik ikajuttaugutinillu angiKatigegutimmi

3. Katimajitsuut manna:
 - (a) AngiutiKammagijut imâk maligatsasuattiguk kajusikKujijut angiutKallutillu nâmmasingiutausimajumik Nain Inuit Nunalet kavamakkuni suliaKautiKasongulâmmata angitigijumik 5.487 nunak Labrador-rimi Inuit Nunanginni iluani Nunak LIL-03C ammalu angitigujumik 1.709 Labrador-rimi Iuit Nunanginni iluani Nunak LIL-05C aulatsiagiamut siugattagiamut ujuganniagiamullu, malillugu allasimajuk 4 tapvani PikKujammi; ammalu
 - (b) Malillugu allasimajuk 2.11(1)(e) *Labrador-rimi Inuit Nunanik PikKujangani*, nukKatitsijut pijausongugialinnik attutaunimmut ammalu ikajuttaugutinut angiKatigegutimmi ilingajunik pivalliagiamut Kinuagijaujut Nain Inuit Nunalet kavamanganut.

Minister tiljausimajuk aittuiluni atuttisigiamut

4. Minister tiljausimajuk atuttisigiamut tamâginnik angitigijumik 5.487 nunamik, nunak Labrador-rimi Inuit Nunanginni LILk-03C ammalu angitigijumik 1.709 nunamik, nunak LIL-05C, Labrador-rimi Inuit Nunanginni, Nain Inuit Nunalet kavamanganut atuttaunitsanga senanut jârimut atâni allasimajuk 4.11 *Labrador-rimi Inuit Nunanik PikKujangani* maligatsaKtillugit pikKujiusingatut Minister ubvalu uKautijaugiagusingitut malillugit ukua:

- (a) Atugumajuk akilegiaKauk jârimi attasiagutimmik One tâlatut (\$1.00)
- (b) Attasittisijuk pigunnatitsignianguk atugumajumik nunami asigiallinginnik kisiani uKautujunik sulikagiamut pannaigutingani(nginni) pikKujaujut allagiallatausimajumi (e) ubvalu asiagut suliaKagiamut angittaupata kisiani Minister-rimut;
- (c) Attasittisijuk ilonnainik kamagiaKavuk piusiugialinnik ammalu kamagijautsiugialinnik ulugianattumekKunagit pilukagiamut ubvalu ânninitsangit Inuit ubvalu piKutingit nunamejut ujuganniataujuni ubvalu ujuganniatuKatillugu aulatsiutiujut ilauttisitillugit, ikillitingimagillugit, takutsautitsilutik allasimajunik inittisigiutunik ammalu Kaujigatsanik ammalu avalluliullutik upattaugiaKangitunik;
- (d) Attasittisijuk kiggatuttingillu ammalu pigunnatitsijuit tigumiagiaKavut prâvinsiup kavamanganit ilonnainik pigunnautinik ammalu angittaugutunik ammalu malillugit ilonnatik maligatsait pivalligiamut aulatsigiamullu ujuganniavinnik ammalu tigumiagiaKavut ilonnainik piugunnautinik angittaugutinillu nâmmasiatillugit ilonnatik atunninginni attasiamik;
- (e) Attasittisijuk tunitjigiaKavuk Minister-rimut angiutaugialimmik suliaKagiamut pannaigutimmik uKausittalimmik Kinuagijausimajuk pivalligiamut aulatsigiamullyu ujuganniavinnik attasigiamut Labrador-rimi Inuit Nunanginni, suliaKagiamut pannaigutinga âkKisimagialik nâmmagijautsiatillugu Minister-rimut ammalu ilonnâgut maligialet Kaujimattisillutik âkKigiattausomik ubvalu Kinugautimmik ujuganniagiamut maligatsanik aititausimajut Nain Inuit Nunalet kavamanganut;
- (f) Attasittisijuk maligiaKavuk maligatsanik, piusiugialinnik ubvalu âkKitausimajunik paitsiutitsanik itsasuanittanik ubvalu itsasunittait nunanginni uKautaugajammijut Minister-rimut malillugu pijagettauningata itsasuanittait attutauniKagajappata Kimiggusimatillugit Nunatsiavut Itsasuanittanik SuliaKapvinga; ammalu

- (g) Asingillyu malittaugialet piusiugialellu pikKujusingatut Ministerriup.

AtuttauliaKinnik

5. Una PikKujak atuttauliaKiniattuk atuttauliaKiniattuk atittâtausimalippat malillugu *Nunatsiavut Maligatsangita AtiKautingani PikKujak*.